

蘭州紀畧

賈方通題

欽定蘭州紀畧卷七

戊子。阿桂奏言。官兵自初二日進剿賊匪。痛加殲戮以後。賊匪甚露惶懼情狀。臣恐其乘間竄

逸。當卽飛飭防守後路各將備。晝夜嚴密防範。

毋稍疎虞。數日來。臣等察看賊匪於華林山前

拏立石卡。拆卸民居土坯。砌築碉房。欲於孔穴

暗放鳥鎗。以爲抵禦之計。我兵若照舊進兵。仍

須過溝上礮。賊必藏匿溝壕。併力支持。不肯出。

壕受勦。

臣

與海蘭察額森特明亮相度地勢。惟

從華林山之西。添派一路健兵。從後路夾攻。方

能集事。現在簡選之奮勇滿漢兵。仍須令其從

初二日進兵之路。過溝上山。衝壓賊營。乘賊人

盡力防禦之時。派兵從西路突入。賊人四顧不

暇。方能得手。但就現在滿漢兵丁內。再行揀選

派進轉易爲賊人知覺。預先備禦。進剿恐難得
利。是以再四籌酌。不得不稍俟兵力齊全。以期
一舉殲滅。查護軍統領舒亮等。帶同侍衛章京
三十人。日內陸續可到。臣又聞本省附近之保

安四屯土兵。及鐵部番兵。勇悍可用。業經飛飭
檄調。若此二處土兵調到。實在可用。又不必專

候屯練。卽乘機進剿。

臣

揆度賊勢。自節次打仗

金瓶梅詞話卷之八
勦殺後賊人望見海蘭察額森特明亮等騎馬
數人卽望風敗北。其毫無伎倆可見。況賊匪撒
拉爾巢穴。業經被搗。無路可歸。而又與舊教及
番人等素相仇怨。自揣一經逃散。必被擒拏。是
以誓死守此一隅。臣與海蘭察額森特明亮。日
夜籌畫。必思計出萬全。一舉殲盡。不肯以打仗
爲虛應故事。

同日阿桂又奏言。查三月二十日。福崧聞逆回不法。跟隨勒爾謹帶兵前往勦捕。甫至狄道。聞河州已失。卽在彼駐守。勒爾謹與福崧詳細籌酌。一面催調官兵。一面飛檄署西寧鎮貢楚克達爾。由循化一路乘虛直搗賊巢。收復河州。並令駕馭老教土兵。先驅出力。所有一切堵截後路。安慰回民。及籌辦勦援各事宜。俱係隨同勒

爾謹商辦。臣觀福崧雖不敢以收復河州等事

自以爲功。但。臣抵蘭半月。見勒爾謹神魂失據。

束手無措情形。從前必不能如此籌畫可知。其

爲福崧出力幫辦。自屬實情。至。臣自到蘭州以

來。節次得雨霑足。黎民歡慶。以爲罕見稀有。氣

象甚屬順遂。均奏人。

上命軍機大臣傳諭阿桂李侍堯曰。阿桂奏現俟兵

力齊全。一鼓勦洗賊匪。以現在情形而論。逆匪既
逃竄無路。其所搶糧食亦斷不能支兩月。卽餓斃
亦可完事。但以么臍小醜如此肆逆不法。非痛加
殲戮。生擒首犯。盡法處治。不足以洩忿恨而彰國
憲。今川兵及阿拉山兵。於二十以前可抵蘭州。爲
期已近。此時自不宜更冒險以致損威。第目下旣
不卽進勦。何不先行曉諭賊黨。并脅從之人。以罪

魁逆首止蘇四十三。若能將伊擒獻。則汝等脅從。
尙可奏請邀恩寬減。倘執迷不悟。將來大兵勦捕。
無分首從。一同受戮。雖悔無及。如此明切開導。衆
心自可解散。或作檄文曉示。或令舊教土司等設
法遣人傳諭。使賊衆猜防。彼此疑慮。擒捕賊首。未
始非解散黨羽之計。至所稱檄調附近之保安四
屯土兵。及鐵部番兵勇悍可用。但此等番土兵。是

否與逆賊差往求援之安定會寧回人。及爲賊紮
棧過渡之唐家川六處逆回。同屬一教。著阿桂查
明覆奏。又另奏勒爾謹庸懦無能。從前籌畫。實係
福崧出力幫辦。朕前降諭旨。以事發之初。不宜輕
易地方大吏。以啓邊氓輕玩之心。且以勒爾謹如
果尙能調度出力。不妨俟事定後。再行核其功罪。
此係專就顧惜大體。勒爾謹尙能辦事而論。若阿

桂和珅到蘭州後卽目擊其束手無措。自當早爲奏聞。所謂應機而動。又當別論。何尙待朕看其實。不可留。特行降旨拏問乎。

同日阿桂又奏言。三月二十五日。賊匪攻城時。勒爾謹前赴狄道。城中只有王廷贊同道員等。竭力守禦。文員本不知兵。且當賊匪攻城危急時。望見兵到。卽催令打仗。是以三月二十五日。

起。至二十九日止。固原涼州靖遠各鎮協綠營
兵陸續到蘭。節次打仗。損折甚多。官兵愈形畏
怯。至二十九日以後。仁和勒爾謹馬彪伍彌泰
等俱陸續到蘭。兵亦漸集。卽無零星打仗之事。
至伍彌泰仁和馬彪俱係統兵大員。日覩勒爾
謹無能。不能幫同籌畫。妥協料理。實屬咎無可
辭。

同日阿桂又奏言。逆回滋擾不法。由勒爾謹辦理不善。自狄道回至蘭州見賊已上山。遂謂易

於勦滅。並無調度督率。輒奏稱半月內可以成功。致各路已調之兵。全行停撤。今賊人退守山梁口。食不能寬。餘草料亦易匱乏。原不能久爲

支特。

臣

與海蘭察額森特明亮亦斷不肯曠日

持久。待其糧盡自斃。現在士氣較前振作。而簡

選之奮勇滿漢兵丁。已能直前對敵。不肯退縮。
前所調之川省屯練兵丁。約計二十以前可抵
蘭州。此項兵丁到日。阿拉山兵亦已先來。兵力
齊全。即可分路進攻。至總兵圖欽保。於四月十
九日打仗陣亡。臣到蘭州後。詢問海蘭察。知是
日官兵由龍尾山越溝。纔上華林山梁。有賊匪
數百直前來撲。惟時圖欽保先已下溝。被賊截

住卽海蘭察亦在被圍之內。射死數賊。始得衝出。其時和珅卽嚴飭各兵。令其堅立。而海蘭察又馳馬由龍尾山斜坡。直前與賊接仗。親身射死二賊。官兵合力。復將賊匪壓下山溝。卽帶土兵下溝。勦殺。次日和珅查出圖欽保之親隨兵丁五人。詢知該鎮因馬倒被賊戕害。再王廷贊於賊匪起事後。恐其直犯蘭州。飛調莊浪滿兵。

三百名兵到之後。賊匪隨卽圍城。此項滿兵卽
在賊人攻打緊急之西門。竭力抵禦。自三月二
十五日起至二十九日止。各鎮協綠營兵陸續
到蘭。節次打仗。多有折損。該司又率同在城大
小文武員弁督率民夫。晝夜守禦。查出奸細。卽
行正法。賊匪於攻圍至急時。王廷贊因賊人有
懇放馬明心卽行退散之語。遂將馬明心提出

在城上令賊人一見。卽將該犯正法。但又將馬明心之子及婿放令出城予賊。雖屬一時緩賊之計。實失國體。均奏入。

上命軍機大臣傳諭阿桂和珅曰。阿桂奏王廷贊於三月二十五日至二十九日。令調到綠營兵。節次打仗。損折甚多。亦係出於無奈。尙屬過之小者。至其將馬明心之子及婿放令出城予賊。此則不是。